

四部叢刊

圖書集成
卷九百七十五
文公文

Z21/070:1 (177)

177

江南大学图书馆



91153770

四部叢刊初編集部

晦菴先生朱文
公文集 二

無錫教育學院
圖書館藏

卷十九至卷三十四

晦庵先生朱文公文集卷第十九

奏狀

按唐仲友第四狀

貼黃

奏爲續根究知台州唐仲友不法事件及藏匿僞造官會人蔣輝實迹乞付外照勘伏候聖旨

仲友所印四子曾送一本與臣臣不合收受已行估計價直還納本州軍資庫訖但其所印幾是一千來本不知將作何用伏乞聖察

奏狀內第十四項係藏匿僞作官會人蔣輝詐妄行移首尾情節伏乞聖慈詳賜省覽

此項係仲友舍匿死罪亡命姦人蔣輝詐妄行移首尾

情節乞賜詳覽卽知仲友所犯非獨贓私小過而已伏乞聖照

臣竊見仲友本貫婺州近爲侍御史論薦又其交黨有是近臣親屬者致臣三奏跨涉兩旬未奉進止深慮本人狡猾別有計會兼恐所司觀望或致滅裂切乞聖明照察嚴賜戒勅施行

具位臣朱熹

臣因巡歷至台州見唐仲友奏有不公不法事件已於前月二十七日具錄奏聞仍將一行干連人送紹興府根勘乞詔有司毋得觀望嚴賜根究依法施行以爲郡守貪殘之戒臣連日又據人戶陳訴仲友不法事件略行審究有旅行供到情實數條及本州公庫簿曆雖爲

仲友收藏追索不出今據監庫官司理王之純旋尋檢到仲友拘收不盡草簿于熙年月亦不接續遂令庫子葉志具出仲友有非法支用數目已多及據宜人趙氏狀訴故夫鄭槐昨任江東提刑日曾按劾仲友罪狀後來寄居台州仲友到任懷恨不已不支俸錢百端凌辱以致飲氣身死仍繳到當時劾章內事件亦是多遣軍兵遠出禁地以提酒爲名掠其所有財物抑勒入戶輸納十年虧欠和買役錢拘占民船抑載官綱至有子告母姦弟訴兄濫取受關節著意究治種種無狀事迹一切不異於今日之所爲足以見其貪縱刻薄本於天資而長惡不悛日增月益以至於今遂肆然爲無所忌憚之意上欺君下虐民而專以陛下所付千里刑賞之柄

爲立威收貨娛悅婦人之具臣前所奏雖已略陳其大端今既得其實狀請撫其一二冒死奏聞以質前言之非妄欲望聖慈略賜省覽降付所委推勘官司照應催促疾速勘結毋得少有觀望庶幾可以少摠千里神人鬱積之憤惟是言語媒瀆非所宜道於君父之前臣不勝大懼伏惟陛下哀憐裁赦須至奏聞者

一據庫子葉志等供草簿內仲友於公車支錢二萬八千六百一十六貫六百八十二文送惠與人內一千四百八十二貫二百六十三文送妻兄及與第二兒婦之父何知縣何教授何宣教兄弟係淳熙八年二月上淳熙九年四月簿內支破

一據葉志等供草簿內仲友以官錢開筵楊文中子

韓文四書即不見得盡饋送是何官員

一據葉志等供草簿內仲友以公庫錢六百九十九貫五十二文買暗花羅等與弟子嚴葉等製造衣服其嚴葉等亦已供招件數在案分明

一入戶張見等狀訴仲友與弟子行首嚴葉情涉交通關節及放令歸去今據通判申於黃巖縣鄭奠家追到嚴葉據供每遇仲友筵會嚴葉進入宅堂因此密熟出入無間上下合千人並無阻節今年二月二十六日宴會夜深仲友因與嚴葉踰濫欲行落籍遣歸婺州永康縣親戚家說與嚴葉如在彼處不好却來投奔我至五月十六日筵會仲友親戚高宣教撰曲一首名卜筭子後一段云去又

如何去住又如何住但得山花插滿頭休問奴歸處五月十七日仲友賀轉官燕會用弟子祇應仲友復與嚴葉踰濫仲友令嚴葉逐便且歸黃巖住下來投奔我遂得放令逐便嚴葉緣與仲友密熟有兄周召充黃巖縣欄頭因被監官何承節窘捨行打知得妹嚴葉出入宅堂九事喜美信據遂托嚴葉寫信令人力計會傳達仲友乞辭退欄頭等事仲友遂作訪聞追上何承節并周召等六名於七月二十一日赴州出頭押下當直司供責仲友作周召不供何承節事情爲由當廳免斷差陳敦押下縣放罷其何承節等至今知在未會結絕嚴葉又供據臨海縣貼司徐新等因差在城外二路

及在城總店賣酒不行並是陪錢送納見經本縣
陳狀備申本州乞免賣酒許嚴葉錢一百貫文省
託屬仲友免賣徐新先將銀盞七隻付嚴葉作當
候得判免備錢收取嚴葉將銀盞三隻就廟弄丁
官人家典錢一十二貫足用過後仲友與免總店
賣酒徐新令人力將錢三十貫文足係嚴葉同母
收受付還銀盞四隻却將三隻典貼與徐新自備
本利錢取贖通計受過錢四十二貫二百四十文
足嚴葉及弟子朱妙入宅打囑仲友免斷楊準藏
仇弟子張百二事許錢一百貫文并受過青紗冷
衫段水線魚鱸等供責是實

一據弟子行首王靜供元係長行弟子每遇祇應筵

會多在宅堂出入無間今年三月內因公筵勸酒
遂與仲友男十八宣教踰濫自後往來不絕五月
二十一日十八宣教借馬三疋與王靜嚴葉沈玉
秉騎仍將官會五道與王靜支散馬下入至二十
三日行首嚴葉落籍是王靜囑十八宣教稟覆仲
友補充行首仍是十八宣教將官會五十貫文與
王靜支分使用并送毛段一丈四尺及曾將蓮花
紗一疋扇子一柄曲二十冊係學院子金璉送與
王靜作人事至六月十八日王靜移過廟弄嚴葉
舊屋居住節次是十八宣教到家宿卧至四更回
州因此外人得知多有犯事入託王靜關節說與
十八宣教得錢使用供責是實

一據道士李冲虛供本房道童丁希言兄丁全充院
虞候仲友遣往寧海縣追散樂弟子王醜奴張百
二入州祇應內張百二不到將丁全枷送州院根
勘取受結案斷配先憑冲虛告覆十八宣教後再
託弟子王靜關節據王靜供丁全憑鄧十二付官
會三十貫文託王靜入宅打囑十八宣教除學院
子金璣并韓百九袖退官會六貫文外王靜得官
會二十四貫文還得從輕作杖一百勒罷科斷供
責是實

一婦人李六娘狀訴仲友非理追勘與道士王求昌
有情涉弟子王靜同弟子鮑雙與李六娘入宅打
囑仲友長男十八宣教今據王靜供寫批與十八

宣教告仲友又蒙將李六娘封案王靜受過錢二十貫文省鮑雙受銀盞四隻錢十一貫文足推司蕭■受銀盞二隻已追索銀盞六隻寄收州庫說六月內書表司丁志學院子金鍊到王靜家言說有相知董承信妻李氏與應楊犯姦公事送司理院結絕今逐人在外和會欲得免斷許王靜錢一百貫文王靜寫批囑託十八宣教後蒙杖罪贖銅兵士謝榮欲差充學院子許王靜錢五貫文囑託十八宣教王五七囑託王靜稱姊夫左求因事送當直司結案許王靜官會一十貫文將金累釵二隻作當王靜並與囑託十八宣教供責是實

一人戶潘牧狀繳到仲友長男十八宣教親書寫批

子與弟子王靜打囑周士衡理分公事與錢五十貫收下質庫批當分明已據王靜供係朱十九助教相託王靜委曾入宅計囑上件批子係仲友長男令金通引送與王靜供責是實

一據弟子王靜供仲友姪三六宣教同十八宣教到王靜家飲酒及與弟子沈玉情涉據沈玉供三六宣教先與弟子林瑩散樂弟子劉醜踰濫今年五月內因宴會方與三六宣教踰濫自後往來不絕五月二十一日三六宣教借馬與乘騎得錢五貫文與直馬人支分緣此多有犯事人託打囑關節得錢使用五月內貼司王敦仁得會子一十道囑託仲友蒙給帖補充帳司人吏并鮑卜妻許錢二

十貫文說與三六宣教囑託仲友刺軍并三六宣
教令學院子姓董人送真紅紗一匹白蓮花紗一
匹青扇一柄曲二十冊與沈玉作人事供責是實
一鐵匠作頭林明投白紙令當廳供係本州差在教
場內打造軍器內仲友私打造衣甲二副湯瓶三
十三隻鑰石頭盔二副並條官中鐵炭工力仲友
收受入已曾支食錢三貫文酒六瓶作送到犒設
仲友男亦曾令私打竹節鐵鞭一條監造官林路
分亦各私造鐵甲頭盔一副湯瓶十二隻雜物五
十餘件箭三百隻并差待缺官邢判院同監造亦
私自造刀斧箭交椅數目已多又怒林明不與依
數打造九九次斷決小杖路分曾遣兵士張顯入

行衙計囑林明據林明張顯供責是實

一仲友有婺州隣人周四本名花康成會放烟火妻能下碁仲友招來每有宴會以烟火撮藥爲名支給錢酒仍是仲友令男十八宣教令兵士劉德等與放軍本索子於諸司公吏倉場庫務及臨海縣并縣官廳吏弓手牙人等率歛錢物及康成日逐出入阿劉入宅無間上下觀望從此有犯事人託打關節據花康成供仲友筵會九三十二次使放烟火下碁共支官庫錢一百三貫文並酒二百一十七瓶計價錢四十三貫二百九十文足并率歛索子錢得錢三百貫文并曾爲威果兵士祝信犯酒送當直司寄禁司理院抑勘行打管營結案該

配將官會二十五道託虞候陳送與唐十八宣
教得免罪名并吳信供母阿朱并弟吳益與隣人
李念一交爭投願解州送當直司却追出在室兩
妹吳六娘吳九娘枷禁勘姦承行人林木要錢一
百貫打關節吳信將金釵一隻金裹釵三隻銀盞
三隻作當方得將母并弟兩妹各勘杖八十內二
妹封案吳信將錢三十貫七十陌付林木并曾先
托花康成阿劉并花康成受人吏陸侃引領寧海
縣朱秀理庫本錢事將銀子計錢一百貫并馬一
匹連鞍直錢一百貫與仲友姪三六宣教收受入
已朱秀并將官會十五道與花康成又五十道與
陸侃并松門寨兵士謝興不伏差使解州康成取

錢三貫囑託十八宣教說與仲友將謝興止押下
本寨交管花康成取受院虞候陶顯錢三貫文囑
託十八宣教差往天台縣催稅花康成受弟子何
蕙官會一十貫囑託令妹抵替回縣花康成受東
陽縣陳客官會五貫文囑託仲友姪三六宣教令
案吏出引監索人頭少欠紗錢花康成取受仙居
縣公人王富官會一十貫計囑十八宣教說與仲
友放令回縣免罷各供責是實

一據城下天慶觀道士祝元善供與陳百一娘有姦
事發送州院禁勘結錄下法司檢斷決脊杖十三
還俗託曹縣丞打囑仲友至今不曾科斷見令元
善起建蓋竹洞屋宇曹縣丞受本人丹砂二百餘